

Թայր ի Տուսկիա... և անտի ի Գաղղիա... ապա ընթանալով ընդ Ակուիտանիա և ընդ Գուսակոնիա, իջանէր ի Սպանիա, երթալով ի Կալիցիա ի մեծահռչակն ուխտ Ս. Յակոբայ. այլ հռչակիւր և ինքն կենդանի սուրբ ուխտական. տարեալ լինէր առ թագաւորն (որ թուի Վերեմունտ Բ.), բժշկէր զղուստը նորա այսահար, և յամենայն ընծայից թագաւորին՝ առնոյր միայն արքանեակ մի Յովհան անուն, և կըթէր ի կրօնաւորական վարս: Թողոյր զՍպանիա և խաղայր ի Բրիտանիա». ևն:

Ս. Սիմէոնի հետ թերեւս աւելորդ չըլլայ յիշել ժամանակակից ուրիշ հայ ուխտաւոր մը՝ Ս. Դաւիթ հայկազն (ծն. շուրջ 1000 ին) որ Երուսաղէմի տնօրինական Ս. Տեղեբէն յետոյ կ'անցնի Հռոմ Ս. Պետրոսի և Պօղոսի գերեզմաններուն վրայ կատարելու իր ուխտը. անկից կ'ուղղուի դէպ ի Սպանիա՝ Ս. Յակոբի գերեզմանը: Ազգերեան տարակուսանքով կը նշանակէ որ թերեւս Ս. Դաւիթ գացած ըլլայ իր մտադրած տեղը. «Գնաց յԵրուսաղէմ, անտի ի Հռոմ, ապա դէմ եղեալ երթալ ի Սպանիա յուխտ Ս. Յակոբայ՝ զճանապարհայն (յերթալն, կամ ի դարձի) եկն զտեղի առ խոնջ մարմնով ի Լուքա»¹: Սակայն Պարոնիոս և Բուլանդեանք վստահօրէն կ'ըսեն թէ Սպանիա չանցած կը մեռնի Լուքայի մէջ (խտալիա) 1050 ին:

Ինչպէս կ'աւանդէ Ալիշան² 1200 էն վերջ Հայ-Սպանիական յարաբերութիւնները յաճախած են փոխադարձ մեր և իրենց Ս. Յակոբեանց Ուխտատեղիներուն ազդերսով և Ս. Յակոբոս Առաքեալի վարքին թարգմանութեամբ:

Հայերը ժ.Գ. դարէն կամ աւելի առաջ ալ Յովհաննէս անուն վարդապետ մը Սպանիա կը զրկեն և թարգմանել կու տան Առաքեալին վարքը: Սպանիացոց կողմէն ալ ժ.Զ. դարուն Մուրցիայի Եպիսկոպոսը Բաքեքոյ — որ որդին է Սպանիոյ կարողութեամբ թագաւորի նուիրակին — Հայաստան զրկած թարգմանել կու տայ Հայոց Յայսմաւորքներէն կամ Տօնամակներէն՝ ինչ աւանդութիւն որ կար Առաքելոյն մասին:

Երկար է շարքը Հայ-Սպանիական յարաբերութեանց՝ մասնաւորապէս առեւտրական տեսակէտով³: Իսկ մենք հոս հայ Ուխտաւորներու կարգին չենք կրնար մոռնալ մեր եղբարբախտ Կիլիկեան վերջին արքան՝ Լեւոն Ե. որ Գահիրէի մէջ եօթնամեայ (1375-1382) գերութենէն ազատելով շնորհիւ սրբազան Քահանայապետին և Գաստիլիոյ և Արաղոնայի թագաւորներու միջամտութեան, նախ Երուսաղէմ գնաց իր ուխտը կատարելու. և ապա անցնելով ի Սպանիա 1383 ին Գաստիլիոյ Յովհաննէս Ա. էն ստացաւ Մատրիտ քաղաքի տէրութիւնն և Վիլլա Բէալէ և Անտուսար քաղաքներն և այլ կալուածներ ու նուէրներ⁴, ինչպէս որ կը վկայեն նոյն Յովհ. արքայի պարգեւագիր հրովարտակներն և Լեւոնի մուրհակները: Այդ շրջանին է, 383 ի ամառը՝ որ Լեւոն ուխտի կ'երթայ Քոմիոսթելա՝ Ս. Յակոբի գերեզմանին, և որ իր ազատութեան շնորհէն վերջ անշուշտ արցունքով կը հայցէ նաև ազատութիւնը Հայ ազգին՝ որ արդէն մատնուած էր և կը տառապէր անողորմ բռնաւորներու ձեռքը:

Լեւոնէ յետոյ և մեր Մարտիրոս եպս. Երզնկացիէն՝ ուխտաւորներու կարգին կը հանդիպինք համանուն ուրիշ Մարտիրոս եպիսկոպոսի մը որ Մարտին քաղաքին առաջնորդն է և իր ուխտը կատարած Սպանիոյ մէջ շուրջ 1541 թուականին: Այս պատմական յիշատակը կը գտնենք վանքիս Հայկ. Զեռագրաց ժ.Գ⁵ Աւետարանի մը

1. Հ. Մ. Ազգեր. Լիակ. Վարք Սրբոց, հտ. ԺԲ. էջ ...

2. — Յ. Տես Սիսականի «Սպանիա» հատուածը, էջ 457-459.

4. Տես Չամչեան. Պոմ. Հայոց հտ. Գ. գիրք Ե. էջ 363-364: Լեւոն երբ քաղաքական ինդիւիդներու համար Բարիզ կը գտնուէր 1393 ին, հոն հիւանդացաւ և վախճանեցաւ իր 60ամեայ հասակին (29 հոյ.):

5. Ըստ Հ. Մ. Ազգերեանի ձեռագիր ցանկին (գր. 1791 ին) որ կայ ակնարկ այս յիշատակարանին (էջ 69-70), Իսկ Հ. Բ. Սարգիսեան իր «Մայր Յուցակ»ին մէջ սոյն Աւետարանը կը թուագրէ ԺԴ. (Ա. հտ. էջ 441-2):